

## Victorias per dus curridders da Surrein

(fmr/hh) La fin d'jamna da Pastgas ha giu liug a Langis ella Svizra centrala ina concorrenza da cuorsa liunga dil Swiss Cup, organisada dil Club da skis Horw. Curridras e curridders dall'entira Svizra ein semesirai en in sprint ella tecnica libra. Ella categoria dils umens sut 18, respectiv 20 onns ha *Fadri Schmid* dil Club da skis Sedrun-Tujetsch contonschiu il miez final, ferton che *Cla-Ursin Nuffer*, medemamein dalla Val Tujetsch, ei curdaus ora el quart final. Tiels mattatschs sut 14 onns ha *Luca Deplazes* dil Club da skis Trun battiu l'entira concorrenza ed aschia festivau ina biala victoria per la fin dalla stagiun. *Heikki Piali* dil Club da skis Trin ei daventaus 15avel. Gudignau en sia categoria ha era *Clau Deplazes*, medemamein dil Club da skis Trun. Ella categoria sut 16 onns eis el staus rodund ina secunda e dapli pli sperts che la concorrenza. Ils frars Luca e Clau Deplazes habiteschan a Surrein.